

明  
詩  
紀  
事

明詩紀事

貴陽陳田輯

辛籤

黎遂球 十二首

遂球字美周番禺人天啟丁卯舉人唐王立除兵部  
主事守贛州城陷巷戰死桂王時贈太僕寺卿諡忠  
愍晉贈兵部尚書乾隆中 賜諡烈愍有蓮賢閣集

二十六卷

萬時華既園集美周思以才靈學以才化識以才通  
語以才妙讀其詩覺有靈光異采在目光離合間  
榆墩集美周詩讀之如春風駘蕩夏雲崔嵬如坐百  
花雜聽籟韶美人劍客勦動左右  
廣東新語美周詩五古最佳有古俠士磨劍歌云十  
年磨一劍補血看成字字似伙人名難堪醉時祝結

擬古

容少年場云生兒未齊戶結客少年場借問結交時  
不數秦舞陽泣者高漸離深沈者田光醉者名滿頭  
美者張子房感恩思報仇相送大道旁其困守虔州  
臨危時擊劍扣絃高吟絕命有云壯士血如漆氣熱  
吞九邊大地吹黃沙白骨爲塵煙鬼伯舐復厭心苦  
肉不甜一時將士聞之皆爲之袒裨爭先淋漓飲血  
壯氣騰湧視死如歸以視李都尉兵盡矢窮委身降  
故韋鞬推結對子卿泣下沾襟相去何啻天壤哉美  
周又有花下口號云生平不事求神仙願上東海求  
仙魚童男童女各三千教之歌舞及管絃道遙行樂  
二十年遂令婚配同力田可得萬人馳九邊大雲國  
恥銘燕然老夫鬢眉圓凌煙結屋花國臨酒泉名儒  
俠客列四筵等閒詩賦人爭傳乞得一字十萬錢此  
篇子亦愛之是皆不失英雄本色他體彷彿西崑則  
傷於綺靡矣

田按塢東詩派自南園五子以逮黃才伯梁公實黎  
瑤石歐楨伯區海目皆講風格未及靡曼至美周醉  
心六朝初唐乃爲輕豔之詞歌行短曲風致嫣然然  
時有壯健之篇此其超邁之性不泯沒於綺語治詞  
者也生爲詞伯死作鬼雄豈不偉歟

醉卧仰視天天星亦胡然卷舌能食人一卷百禍連壯士血  
如漆氣熱燒九邊大地吹白沙白骨爲塵煙鬼伯甞復厭心  
苦肉不甜生年只滿百見此良憂煎不如且行樂樂意誰能  
宣陌上多游魂紛來纏竹絃

寄懷徐巨源

可憐少殊色我輩如佳人傷春苦相念慰藉惟保身自從過  
子門相留坐明月得句如折花簪花爲梳髮猶恐外人看不  
似初離別離別幾何時春風吹柳枝新月照客牀不作蘇臺  
期前日有客來言子涉江水敢望不敢信吹簫待吳市昨夜  
有客還送子酒一石寄酒不寄書結言在曠昔碧水自悠悠  
炤花花不流還來與子期作賦同悲秋

莫愁曲

茸茸沙樹煙沙白，高如青山，青山搖水動，歡去幾時，邊葉黃有  
時，綠搖檣聲相續，載夢過江來，聽我莫愁曲，身是江南人，不  
見江南春，春風吹裙帶，拂起落花塵。

中秋十七夜，宋令申給諫，招同陳藥亭吏部，待月虎邱  
石上作

石洲聽泉冷，銀瓶轉長綆，美人發纖喉，汲起霓裳影，露垂髮  
簪重，杯光墮，金鳳三絃，學人語，四坐嘿如夢，節短又聲長，但  
覺吹微香，賦風憐宋玉，爲雨恨襄王。

聶婉眉歌

并序

崇禎壬午賊出增江口，肆擄掠，有殊色，聶五娘者，賊

得之大喜因戲謂恨其眉未甚婉娘從容語曰女醜  
始掃眉若欲婉請假我刀刀得而勿寶安李于定夫  
爲詩旌之以寄黎子黎子感其意作聶娘婉眉歌和  
之

聶娘不用眉如柳雙劍玲瓏腦前後官兵斂手賊狂嘯娘舞  
長眉對之笑朱絃一夜芙蓉毀雲雨模糊遠山委丈夫鬢髯  
總如此半尺垂虬掀不起紫石棱棱婉婉爾翠娥如鐵真男  
子白頭天姥惜飛光續命只有文中王從他鳥爪未肯禿更  
買黛螺千萬斛人生安能知死期癡情豔骨東風吹借娘眉  
鋒不斬賊先斬偷生巾幗兒

短歌行

酒酣月滿地爲君歌短歌願君漏壺箭刻作魯陽戈夏姬老  
矣嬴女如何維南有箕維北有斗持擗南山塵戰挹東海酒  
明明如月仙人見之腸斷絕嫦娥倩靈藥玉兔如春雪何不  
醉挾羅敷採扶桑燭龍移炤合歡床

慰梁非馨

爾明休便羨雙眼好逢人骨肉已看盡肝腸誰最親壁將明  
月立門掩落花貧只當長爲客艱難剩一身

無錫舟中偶成

過江纔幾日次第品新泉信宿山山翠餐眠事事仙香深花  
港月茶入竹橋煙賃得鐘聲寺呼童復繫船

雨夜懷徐巨源

高閣桐陰半雲浮山翠香經時枕詩卷率爾興琴張詞賦終  
難敵行藏各自商兵戈自天地搔首計應長

和劉安世園居

燕卽新堂乳鶯多隔水鳴鑿湖兼出石惜樹小添楹窗預圖  
秋色蕉堪種雨聲沙洲亭子路鷗席故須爭

揚州同諸公社集鄭超宗影園卽席詠黃牡丹

誰買長門作賦才守宮砂盡故徘徊燕銜落葉成金屋鳳蝕  
殘釵化寶胎三月繁華春夢熟六朝芳草暮霞堆上尊合賜

詞臣閣邀賞還宜八駿來

廣東新語黎美周嘗客揚州於鄭氏影園與詞人卽  
席分賦黃牡丹七律十章已糊名殿最錢牧齋拔美  
周第一鄭氏以書報日君已錄牡丹狀頭矣以二金  
疊資之其後美周過吳下人皆稱牡丹狀元

楊柳枝詞

參差楊柳又如齊二月雛鶯上下棲怪得多情青眼便春風  
常笑雨常嗔

溪上晚步

餘杭城外石橋斜不見清溪道士家惟聽小姑閒唱曲茜裙  
臨水摘梅花

鄜露十三首

露字湛若南海諸生桂王立以薦爲中書舍人 大  
兵下廣州抱琴死有嶠雅

廣東新語湛若爲人好振諧大言汪洋自恣以爲其  
牢騷不平之志或時清談緩態效東晉人風旨所至  
輒傾一座至爲詩則憂天憫人主文諷諫若七哀述  
征之篇雖小雅之怨誹離騷之忠愛無以尙之

瀛洋詩話瀛瀛著嶠雅有駢人之遺音  
靜志居詩話瀛若工諸體書學使者試士以恭寬信  
敏惠發題瀛若制義五比用大小篆八分行草書于  
卷學使者大怪之然不罪也尼恆以才畧自負見海  
內多事因學騎射跨馬出門衝縣令頭踏令怒申文  
學使者除其名將加以桎梏乃亡命之廣西遍尋鬼  
門銅柱舊蹟遊于岑藍胡侯祭五姓土司爲猶女執  
兵符者雲緝嬖記歸撰赤雅一編紀其山川風土  
儀物及女君天姬隊歌舞戰陣之制家蓄藏眞墨跡  
享帚千金素問業於香山何閩老吾駒閩老見而愛  
說不已瀛苦分手脫贈旣而大悔擊舟抵香山升閣  
老之堂欲自掛梁上開老匣還之又蓄二琴一曰南  
風宋理宗宮中物一日綠綺臺唐武德年製明康陵  
御前所彈也出入必與二琴俱廣州破瀛若抱琴  
死綠綺臺爲老兵所得以繫於市歸善葉錦衣解百  
金贖歸至今存其家詩曰嶠雅手書開雕極精楷下  
嘗見其駢體文亦佳  
全祖望鮐埼亭集外編瀛若先生大節不待言矣顧  
其少時曾入阮大鍼之門大鍼文集瀛若爲之序稱  
門生焉蓋瀛若少時好聲樂大鍼在留都羅而致之  
也非後來大節則瀛若幾不免爲奄人之徒人所以  
貴晚詣也瀛若嶠雅係其手書開雕古香可掬東莞

辛籤卷七

五

袁督師曾於粵中邀財識非瞻雅無以知之黎洲先生謂桑海諸公集可備詩史信夫

明詩別裁湛若詩原本楚騷五言尤勝五言佳處全在氣韻不求工於語言對偶之間得此意可與讀湛若詩

明三十家詩選湛若詩清曠超妙如月冷江空孤鶴夜警

田按謝山謂湛若爲阮大城門人余檢詠懷堂集良然矯雅中所稱石巢先生卽謂阮也湛若大節自光天壤不得以此爲累集中五言律具有論仙意境如蘇門清嘯彷彿鸞鳳之音

張侍郎 家玉

伏奉天廟姿飛躍及犇馬  
錐秦誤索韓策漢動方  
賈義聲振龍荒號召遍  
區夏逐日功詎虧  
蹈海志迺寫俠骨  
驚馬革裂

耻東城下

登九子

朝參九華雪莫宿九華鐘言尋金舍利行傍玉芙蓉雨腳移  
春殿雲衣挂亂峯悠然秋浦月來對海門松

西湖上春

行逢新歲月驕馬踏城橋旭日催蘅帶春人豔柳條香車流  
水擊僊袂逐風飄小鳳銜花去空傷雲漢遙

洞庭酒樓

落日洞庭霞霞邊賣酒家晚虹橋外市秋水月中槎江白魚  
吹浪灘黃雁踏沙相將楚漁父招手入蘆花

道明水望三十六峯

崇山道明水皦皦石潭清上有木龍樹葳蕤聞鳳聲開琴待  
明月月向清溪生三十六峯裏羣仙抗手迎

蔣陵送孫枝遊華嶽

相逢彭蠡月相失蔣陵鐘  
自別東林社君言西躡雍金天開  
太華玉井見芙蓉余亦汎滄海南山歸祝融

皖城謁石巢先生

披衣皖城口言就皖城坳  
辟世歸愚谷移山到石巢  
鶴林松露滴魚浦荻花交  
廡下聞清嘯長謠賦樂郊

杏花堰訪紫浩隱居

楓林二月雪雪霽問君家  
玉笈芝房氣銅陵杏花堰  
花更清嵐出瀑筵迴鶴梯霞  
不注丹臺錄吾生信有涯

人日登輿王臺

登臺試人日此日謂宜人  
日照高臺色臺非故苑春  
青山白

雲路綠水流花津醉欲呼鸞去遙遙芳杜鄰

文選樓眺望

春風將柳色駘蕩入西樓遊子牽簾望宛如變女愁雜花開  
陌樹歸雁隔河洲京國浮雲外長江日夜流

姑蘇送雲將入雒

崇林秀春木歸馬激鮮鷗濁酒不肯飲旅懷何處銷莫天吳  
苑樹明月雒城橋蕪絕尋君夢緱山碧玉簫

淨湘禮三閭墓田尋賈生故宅

淨湘孤月下靈渠牢落殘魂伴索居庚子日斜聞野鳥端陽  
沙澗見江魚天高未敢重相問年少何勞更上書此去樊城  
望京國定從王粲賦歸歟

後歸興詩 乙酉六月

南北神州竟陸沈六龍潛幸楚江陰三河十上頻炊玉四壁  
無歸尙典琴蹈海肯容高士節望鄉終軫越人嗔臺關儻擬  
封泥事回首梅花塞草深

陳子壯 十六首

子壯字集生南海人萬曆己未第三人及第授編修  
以發策忤魏忠賢削籍崇禎初起諭德擢少詹進禮  
部侍郎以言事下獄放還起故官未上京師陷福王  
立起禮部尙書桂王時進東閣大學士兼兵部尙書  
大兵克高明被執不屈死贈番禺侯諡文忠乾隆  
中 賜諡忠簡有練要堂集六卷秋痕集五卷

田按忠簡集有罪言云宗才改秩一事疏三易稿成  
乙亥十一月十六日親齋上時上修省齋居武英殿  
聽數日傳改票又數日傳有非祖問親欺罔恣肆字  
樣且下獨帖延杖矣越二十六日奉旨宗室有文武  
才能考驗換職正宜公同詳議安確以聽裁奪陳于  
壯敢於非祖問親欺罔恣肆著革了疎入上改容推  
擬席藁在宮聽擬政府使人謂曰昨疏入上改容推  
案此番殿旨可畏甯小心就獄不爲屈辱毋甯強  
後悔無追也兒輩送入園門刑部初擬杖不准再擬  
徒得旨准配贖凡五閱月出獄時丙子四月二十四  
日也而唐王聿鏗先囚日有疏參于議禮不合復啟  
故違格式反覆數千言欲構之重典幸放釋後二日  
奉旨陳子壯已經處分姑不究史傳云唐王上疏誣  
于壯遂除名下獄非其實也明亡後魯王以海與唐  
王聿鏗立於閩浙唐王聿錡又與桂王由榔割據於  
兩粵無異盤踞之爭雄而其間貞臣義士各爲其主  
殺身沈族而不悔若公之與巖野起兵攻廣州事雖  
不成其大節自磊落天壤公詩律絕聲情蘊藉詞曲  
亦婉麗動人

補沈休文憶詩

憶起時酣暈半不銷粧鏡直須倚鉛粉若爲調唯應憐夜夜  
乃復有朝朝

送何龍友太史還朝

攬水臨將發風流得雅裁美人明月夢仙吏白雲臺海鶴招  
琴曲江鷗勸酒杯濯纓清可聽不覺榜歌催

宿吳宏文湖上樓

秋風餘十度燕子爾輕過鄉思登樓減湖光下榻多花開雲  
母帳詩付雪兒歌自己遷延甚幽期更若何

南浦不泊

秋色何迢遙漚輕舴艋搖多爲名姓累遂畏友朋招霞鷺堪  
孤起風狔得並驕南州紛在望興寄一長謠

題綠珠祠

梧州

逝水徒傳金谷園，荒山誰識綠蘿村。  
生辭故井難銷監命薄，高樓敢負恩燕子。  
頻來多戀主，杜鵑嗾斷爲招魂。憑君一和  
嶼嶼曲，自有入將孤笛翻。

送劉半舫大司空總督河道

殿履新高面拜除，轉咨臣計重河渠。  
蛟龍始識園陵在，鴻雁終招澤國居。  
棠蔽東人更竹馬，葭明韋曲自櫓車。  
可知職貢千艘入，不礙飛流九派如。

九日

講殿陰移得暫閒，養盤節宴已先頒。  
憶家夜損三秋夢，傳蹕朝登萬歲山。  
獨馬微風沙帽著，斷鴻新月菊枝慳。  
清時易許

論勳業消受光榮一醉顏

送董思白大宗伯加太子太保予告馳驛

帝念先朝有秩宗班階流輩盡雲從近傳宮保歸黃髮遙望  
天人問赤松楊柳青門看祖道桃花春漲憶吳淞纖塵拌不  
隨清夢還傍東華五夜鐘

題水月菴

觸熱逢人自不勝閒寮茗飲當敲冰失途時現抽衣寶袂濟  
渾如禁足僧蟬引一絃凡響寂柏臨雙蓋妙香凝亦知過去  
皆漚幻莫話從頭有葛藤

晉江曲二首

削竹青青作挽長竹條雖小挽須強峽口灘高耶斷挽胥口

灘深儂斷腸

三水西南舟日遲不知郎去定迴歧聲聲山鷓行不得日日  
江頭歌竹枝

美人操琴

梧桐入戶淨琴張玉軫輕移已叶商一曲還應神女聽無人  
知道楚明光

五日珠江曲

琵琶洲上戴琵琶碧玉粧成自小家樓船裏面籠珠翠亦學  
鄰舟叫買花

留春詞

霸國江山錦作堆一春無恙幾登臺木棉花落嗚山鷓歌舞

榻前許再來

賞花詞一首

脈脈含情望阻修風光到此伴清遊誰言不敢思公子能寫  
花枝一段愁

匡床斗帳淨無塵小有花枝逐節新幾處花飛不成醉眼前  
看醉賞花人

陳邦彥 三首

邦彥字會份廣州順德人隆武乙酉舉人除監紀推  
官遷兵部主事桂王立擢兵科給事中起兵守清遠  
城陷被執不屈死贈兵部尚書乾隆中 賜諡忠烈  
有雪聲堂集十卷

靜志居詩話嚴野醉居嶺南與黎美周歐子建陳喬  
生以文章聲氣遙應復社卒殺身成仁其南上草自  
序云商音曼歌慨當以慷亦各言其志也又臨命歌  
云書生漫談兵時哉不我與君子誦其詩而悲之  
田按公子恭尹述公行狀明史據此作傳事實完備  
此史家所以貴採家狀也公殉節時走清遠朱氏圍  
題詩於壁曰平生報國懷深望斷西方好音已共莠  
宏化碧還同屈子俱沈又曰戀闕孤懷盡懸絲一命  
微負傷如未覺無淚不須揮魚吮艱貞血水爲購礎  
衣祇應魂氣在長繞玉階飛書畢赴池水淺不死檻  
車致之廣州死於市

丁亥仲春余歸自嶺右暫憩鄉園讀杜工部秦州雜詩

因次其韻

物產川原盡生涯寇盜間無愁應岸柳不改是春山古戍饑  
鳥集江村乳燕還未須愁遠道多恐淚痕斑

薄遊

極目楓林外故園安在哉山川曾有約秋半未歸來  
暝色千峯雨江聲萬壑雷薄遊仍度峽鄉夢莫輕催

西征雜詠

名園春事動招尋一騎蕭蕭細雨侵最愛草亭西畔路玉蘭  
花發石潭深

梁朝鐘三首

朝鐘字未央番禺人崇禎壬午舉人唐王弟聿錫浮  
海至廣州朝鐘等擁戴立除檢討再遷祭酒事敗死  
乾隆中賜諡節愍有喻園集

蘭谿取道入斫水與都護汪祥麟偕有懷熊心閒總理  
幾年石室雨一半畫蘭谿此日看山色春風憶馬蹏麥漂橫

水渡花落廟前泥征戰何時盡林深倦鳥棲

送周仲謨遊海北

夏景行將及扁舟向雁湖舊城秦郡縣新綠漢莓蕪野戍春  
雲在離亭落月孤故山秋色好須待插茱萸

海珠寺

南漢城邊菰葉落流花橋下水趨東煙籠碧樹春分後月浸  
寒江子夜中潮上石沈僧語歇笛殘人去蠟燈紅分明一幅  
蓬山景吹入鵝潭影自空

張家玉 一首

家玉字玄子東莞人崇禎癸未進士改庶吉士唐王  
時擢侍講以右僉都御史巡撫廣信桂王立進兵部

尚書兵敗投水死贈少保武英殿大學士吏部尚書

增城侯謚文烈有名山西征燕山三集

王夫之南窗漫記東莞張太史家玉以全髮起義兵  
敗墮馬而卒家人刻其軍中遺藁有詩近百首唯記  
其一聯云真同喪狗生無賴縱比流螢死有光  
田拔立子先迷後得卒能死節君子諒之

舟中月夜

渺渺長江水接天帝京西望轉淒然金戈鐵馬無甯土錦纜  
牙檣有戰船離亂烽煙叢此日風流簫鼓換當年誰堪舊日  
長安月多照平沙白骨邊

明詩紀事

貴陽陳田輯

辛鑑

朱繼祚一首

繼祚字立望莆田人萬厯己未進士改庶吉士授編修歷中允諭德庶子少詹事遷禮部侍郎以病去起南禮部尙書福王時召拜故官未赴唐王立進東閣大學士魯王監國舉兵應攻取興化城破死之乾隆

中 賜謚忠節

自靖錄莆田縣鄉紳朱繼祚以協理詹事府禮部尙書還閩拜相閩潰題其杜曰臣罪當誅生奚補死奚遲故國舊君安在帝臨有赫身可灰家可燼周頑殷義若何招窳戶王士玉等數千人據興化府入覲監

辛鑑卷八

國魯王於海中。大清兵攻城將破賦絕命辭曰。嗟  
子生兮不辰。逢慘禍兮攬身。乾坤崩潰兮陸海爲塵。  
日星掩晦兮萬象沈淪。人誰無死兮。鵠毛泰岳。惟其  
所處兮。殤延彭促。且夕畢命兮。去將安之。夫妻子母  
兮。不得相依。上告蒼天兮。鑒此微詞。雖爲瀟粉兮。安  
之若節。千秋萬古兮。誰其子知。與化俱徂兮。於戲噫  
噫。城破被執。不屈同子。汝極死之。  
田按天啟六年。魏閣擢權羅織。正人特修三朝要典。  
其總裁爲顧秉謙。黃立極。馮銓。副總裁爲施鳳來。楊  
景辰。孟紹虞。曾楚卿。纂修爲徐紹吉。謝啟光。余煌。朱  
繼祚。張紳。華琪。芳吳。孔嘉。吳士元。楊世芳。凡與斯舉  
者。士論不齒。立望雖官。通顯累以修要典爲清議所  
持。罷去。晚能死節。人之所以貴。晚蓋也。余煌亦以死  
節傳。

### 恩假旋里感賦

供租綸扉十月餘。平章底事竟何如。久知歇後推鄭五。敢謂  
辭榮附二疏。到處烟塵驚旅夢。故園花竹漫安居。出師未捷  
身先病。慚愧埋頭老蠹魚。

張國維一首

國維字玉笥東陽人天啟壬戌進士除番禺知縣擢  
刑科給事中進禮科都給事中遷太常少卿以右僉  
都御史巡撫應天安慶十府進工部侍郎總理河道  
改兵部兼督淮徐臨通四鎮兵拜本部尚書以事解  
職下獄尋復官督江南浙江兵餉福王立召令協理  
戎政加太子太保魯王監國進少傅兼太子太傅兵  
部尚書武英殿大學士師潰投水死乾隆中 賜諡  
忠敏有玉笥剩稿

重遊白雲洞

不到幽巖十五年昔遊猿鳥尚依然流泉訴別鳴咽盤石

標貞亢且堅池上醒眠青眼放松間醉倚白頭妍晚尋歸路  
層雲鎖便與山靈訂後緣

張肯堂一首

肯堂字載寧松江華亭人天啟乙丑進士除潯縣知  
縣徵授御史遷大理寺丞以右僉都御史巡撫福建  
唐王立拜吏部尚書加太子少保魯王監國加太傅

東閣大學士舟山不守自經死乾隆中賜諡忠穆

自靖錄魯王監國駐蹕舟山肯堂與沈宸荃並相舟  
山陷其門生中書蘇兆人闔門自縊肯堂義之爲之  
下拜而殮焉遂服蟒袍南面坐視其妾周氏方氏姜  
氏畢氏暨姐媳沈氏孫女茂漪皆縊死一女投荷池  
死卽題絕命辭云虛名廿載蒼人閱晚節空勞學圃  
閒漫賦歸來愜靖節聊歌正氣續文山君恩未報徒  
憂瘁臣道無虧在克艱奇語千秋青史筆衣冠二空  
莫輕刪乃北向叩首自縊於霽交亭

田按張蒼水奇零草有輓張鯢淵相國詩云一身真  
可繫危安垂死威儀尙漢官魂返黃墟應化碧顏留  
青史卽還丹千秋共惜遺金鑑十載何慚戴鐵冠也  
識公歸箕尾上定依日月倍芒寒紗籠姓字迴無瑕  
晚節何如五柳家欲報君恩餘白髮祇留相業在黃  
麻樓空燕子從風墜門冷龍孫帶雨斜一自墨胎歌  
斷後華亭鶴唳更堪嗟垂死威儀尙漢官蓋紀其臨  
難時蟒袍就縊樓空燕子從風墜蓋紀其諸姬同殉  
也

九日同僚佐登大伾山卽事

筍輿到處卽山家  
霜葉微紅欲作花  
結伴入林皆惠遠  
清譚出世總烟霞  
月明交映藤蘿合  
醉步多忘石徑斜  
此夕幽尋不成寐  
城烏嘯曙復朝衙

張煌言 五首

煌言字玄箸鄞人崇禎壬午舉人魯王監國授行人

賜進士加翰林院編修擢右僉都御史進兵部右侍郎  
桂王立加兵部左侍郎兼翰林院學士進本部尙  
書 大兵平滇南散遣部曲進居懸壘被執不屈死  
于市乾隆中 賜諡忠烈有奇零草十二卷冰槎集

四卷

徐孚遠 集玄著之詩其氣昌明而宏偉其辭瞻  
博而英多蓋明堂之圭璧清廟之黃鏞也  
三岡識畧紹興張君煌言仕魯藩周旋海島二十餘  
年後知事無成散遣部曲入普陀爲僧至是就擒賦  
詩見志曰海島從橫二十年孤臣心事意茫然桐江  
空繫嚴陵釣覆澤難回范蠡船生比鷗毛猶負國死  
留碧血欲洗天魯戈莫挽將頹日敢望千秋青史傳  
諸將重其義欲降之不可且曰子窮海孤臣豈知今  
日而復改節耶詞氣慷慨至死不屈識與不識莫不  
流涕  
南笛文定三集宋明之亡其傳之忠義與不得而傳  
者非他代可比就中險阻艱難百挫千折有進而無

退者則文文山張蒼水兩公爲最  
姜宸英湛園未定棄公自督師未嘗受強藩節制及  
九江逝還漸有擊財始悒悒不樂而死遜卒至門忽有  
也自製一棹賁其中誓振盡而然出就無不持紙  
二猿跳近哀鳴牽裙泥之公乃殺之兒乞求公隨  
會城遠近人士下及市井屠販賈餅之爲乞求公隨  
素至羈所爭求翰墨守卒利其金錢喜爲乞求公隨  
手揮灑應之皆正氣歌也嗚呼天地晦冥風霾叢塞  
山河失序而沈星隕氣於窮荒絕島之間猶能自出  
其光發以爲有日者之悲喜而幸視揜抑於一時  
要以俟之百世欲使之終晦焉不可得也  
鮎琦亭集外編尙書詩古文詞皆自丁亥以後才筆  
橫溢藻采續紛大畧出華亭一派華亭陳公人在海上  
節推於浙東行其教尙書之薪傳出於此及在海齊  
徐都御史闔公故與人中同主社事而尙書王午齊  
年也是以尙書之詩古文詞無不與之合鳴呼古來  
亡國之大夫其音必淒楚鬱結獨尙書之著述增吟  
博大含鐘應呂儼然承平廟堂巨手一洗亡國之音  
豈天地間偉人固不容以常例論耶當是時以蠟灘  
熬背爲金湯以鮫人蠅戶爲丁口風帆浪楫窮餓零  
丁而司隸威儀一縷未絕遺臣故吏相與唱和其遇  
雖窮其氣自壯斯其所以爲時地之所不能囿耶

田按明社之屋久矣公猶以殘兵支撐於天涯海角之間訖二十年艱阻崎嶇百折而不悔嗚呼烈矣史不立傳蓋有待也至乾隆四十一年得與獎忠之典通諡忠烈仁矣哉

### 贈盧牧舟大司馬

自昔公爲兵使者於時我作上書人鑑湖一曲皆棠樹碧海  
重逢並葛巾劍氣終當開日月履聲早已傍星辰并州正有  
來蘇望忍說桃源可避秦

### 輓朱聞玄少宰

極目烽烟點鬢毛聞關已讖譏難逃黍離社稷無薪膽草昧  
朝廷有節旄自許孤忠遺海岸人悲敗事失山濤臨風不盡  
招魂賦那忍重看舊佩刀

沈彤菴閣學嚴舟南日山遭風失維不知所之雖存亡

未卜余猶望其來歸也

昨夜驚濤勢轉雄，孤帆何處御長風。  
沃焦不信膠舟解，博望初疑銀漢通。  
欲問馮夷愁莫應，儻成精衛恨何窮。  
袖歸當有支機石，豈遂騎鯨向碧空。

弔沈五梅中丞

香臺咫尺渺人琴，萬里寒潮送夕陰。  
報國千年藏碧血，毀家十載散黃金。  
名山難瘞孤臣骨，潮海空磨戰士鐔。  
留得荒祠姓氏古，春歸惟有杜鵑吟。

張書紳與范子瞻論余十餘年來戎馬勞苦孤危以詩見贈讀之悵然因次其韻

相業侯封非我望，伯圖王業向誰論。  
可憐節在旄全落，獨恨

交亡劍尚存上客攝衣空有缺孤軍裹甲已無禪也知戈朽  
難回日誓死何妨絕影奔

馮京第一首

京第字躋仲慈谿人僑寓鄞唐王立授兵部主事改  
監察御史魯王監國擢右僉都御史進兵部侍郎被

執不屈死有篋谿集

續甬上耆舊詩集馮公少負高才諸父都御史元  
兵部尚書元駿世所稱大小馮君東林之巨子也公  
內承二父之教出則師事蕺山流沛兩先生退而與  
復社諸名士上下其議論四方士子來謁大小馮君  
必先登公之堂公爲之次第其姿詣而甲乙之以進  
之二父之前莫有失者都御史撫津門有牆子嶺御  
敵功公豫其勞毅宗錄之尙未及用公將從津門大  
興屯田募勇士於膠萊金復等地自成一旅以爲神  
京捍衛其所壘已數千頃而北都亡南都奄禍大作  
公不復入南中乃遊於閩而南都又亡閩人奉唐王

稱制公上中興恢復十二論召對慷慨聲徹殿陛思  
文大奇其才授職方主事已而改監察御史按浙甫  
入浙而浙東陷閩亦隨亡公集慈水諸大夫將起兵  
而爲大兵所捕乃跳身入滄州滄州爲威虜侯黃斌  
卿所守浙東之未入版圖者是時大兵雖定江  
南而吳中豪傑出沒太湖皆以滄州爲外援尙書陳  
公子龍輩說松江提督吳勝兆來歸而以帛書告滄  
州欲得一軍應之斌卿竟不欲往富平伯張名振時  
在石浦與公善公勸之行乃刻期以往至崇明颶風  
覆舟沈侍郎延揚死之公等皆被執中途得逃歸滄  
州而松江以矢期事洩俱被戮斌卿本志在自守而  
名振之軍盡喪公鬱鬱無可計事者乃至日本乞師  
不得又責斌卿令以奇兵西略甯紹台三府會鄧之  
董給事志寧華職方夏楊推官文琦以帛書連衡李  
侍御長祥王職方翊而欲借滄州之師應之乃告公  
公大喜強斌卿從蛟關入一日爲謝三賓所告城中  
有備長祥劫志寧亡去夏等死斌卿遽引還公益鬱  
鬱不憚乃之湖州時大湖尙未靖而公起兵於天目  
山中大擾歸安烏程諸縣尋敗復歸四明乃募溪上  
義從與王職方翊合軍守杜臬大兵以團練兵破  
之職方走天台公匿山中職方以天台之兵至公亦  
振旅出復合軍守之時戊子之冬也明年監國自闕

中至建跳所發使晉公都察院石俞都御史是冬再  
乞師日本卒不得還後與王職方合營於西山之同  
風洞中初公以華董之故刊章大索大吏遂以其事  
聞詔取家屬羈之京公太夫人尹氏年高夫人葉  
氏聞有徒燕之報微言勸以自裁羣不甚省夫人嘆  
曰婦無事不當聽命於姑至今日難守此小諒矣夜  
半投閣不死強起縊而死大帥又戮公子頌以脅公  
公仍不至太夫人遂徒燕道卒又得所寄妾於他所  
令作書招公妾曰頭可斷書不可作即作亦保公不  
降也監國再加公兵部右侍郎公憑依山偕公下  
兵百餘戰雖無成績然亦屢挫大兵庚寅公麾下  
親將王昇私約降械公於灌頂寺支解死

### 寄李研齋

在昔慚温嶠於今恨趙苞國仇與家難都逐礪灘潮

### 錢肅樂一首

肅樂字虞孫一字希聲鄞人崇禎丁丑進士除太倉  
知州徵授刑部員外郎魯王監國加太僕少卿歷右

僉都御史右副都御史兵部右侍郎晉東閣大學士  
贈太保吏部尙書諡忠介乾隆中 賜諡忠節有集

二十卷

田按魯王監國江上驕將專權紹瑄干政政亂於上  
民困於下蠻觸爭衡闕於一隅忠介上疏言國有十  
亡而無一存民有十死而無一生識者早知其事之  
無成矣錢公徒以舊國遺臣支撐天墜卒至憂憤以  
觸枕絕食而死悲夫

孤雲

孤雲無意緒獨挂山之峯聖賢尙神化轍迹友蛇龍鳥道八  
千里關山一萬重吾其奈何哉洗耳空聞鐘

陳函輝六首

函輝初名煒字木椒改名後字木叔臨海人崇禎甲

成進士除靖江知縣福王立起兵部主事魯王監國  
擢太僕卿進兵部侍郎兼侍讀學士江上師潰入天  
台雲峯寺自縊死乾隆中 賜諡忠節有寒光集三

卷

自靖錄函輝擁戴監國魯王擢太僕寺卿福建詔使  
至浙東諸臣皆思奉詔函輝獨上魯不臣唐疏衆議  
不合督輔張國維在江上聞之力主函輝說事乃定  
未幾遷侍郎奉監國命聯絡溫台江上師潰自書年  
譜後云徐陵五願惟誓出家文山七歌尙思殺賊函  
輝得死所矣魯王入台州府城駐蹕間警欲避入澗  
門衛函輝哭入天台山雲峯寺在僧湛明處作自祭  
文七七自檄文埋骨記乃賦詩別親友云廉泉同義  
魄萬古在禪林故國千行淚孤臣一寸心深山空有  
根異日或相尋身後遙爲託應懷鍾子琴又賦絕命  
詩十首其一云生爲大明之人死作大明之鬼笑指  
白雲深處蕭然一無所累其二云父母恩無可報妻  
兒面不能親落日樵夫湖上應憐故國孤臣其三云  
子房始終爲韓函輝生死爲魯赤松千古成名黃藥

寸心獨苦其四云斬盡人間情種獨留性地靈光古  
衲共參文佛麻衣泣拜高皇其五云去年六月廿七  
虛度一年世法但嚴心內春秋莫問人間花甲其六  
云慧業降生文人此去不留一字惟將子孝臣忠胎  
與人問同志其七云臣年五十有七回頭萬事已畢  
徒慚赤手擎天惟見白虹貫日其八云手著遺文千  
卷尙存副在名山正學焚書並出所南心史難測其  
九云今日爲方正學前身是寒山子徒死尙多抱慙  
請與同人證此其十云敬發徐陵五願世作高僧誦  
眷魂遊寰海名山身到兜率內院設筆令僧造屋誦  
經從容寫戶以被帶自經死  
田按寒山五古質慙有元道州遺意近體近纖近俳  
多爲公安派所染令靖江日頗好內以風流作仙令  
名士悅傾城自居卒能死國殆亦如文山早近聲色  
晚殉大節者耶其赴選早朝詩云聖主正當陽鏡意  
垂衣被狹小前哲章皇皇專求治疑太急求賢  
或太遽有君而無臣識者共嗟喟三擲隙初兆十漸  
幾旋備外皆河北賊內猶朋黨比閭閻甚削窮市井  
轉詬諄反開告密風投醢紛羅織雷霆失其時肅籍  
殺羣开昨聞下陳蕃今見逐賈誼此十數語均中思  
陵之失所謂如燭照數計者

馬馱沙

一名驥渚有小引

靖自吳大帝時始成洲蓋圍人蕃牧之地故名驥焉  
相沿立一堠守之成化七年始改縣直可謂草昧建  
侯耳燿捧檄來是中簡書可畏也瘠土可懷也怙而

作詩

良牧不病蜀良馬不愛秣朽索馭天下一方慎宰割邦本民  
之心釐舉皆厥末孤城荒草深近市艱作活十年蛋君都支  
祈挾旱魃石畚半禮凶窮戶死搜括寡嫗路旁嗷誅求老圉  
康青青子襟子五月猶被禍奉命長島中下車增慘怛委吏  
與乘田何以副審估既愧宓子堂敢歌召公芟安靖矢素心  
先祛衆譏聒良族共此庖鉛刀效一銛神駒起溼洼千里亦

騰越

守官

有小引

燁承乏荒江不半年所而更調之檄數至豈真以令  
也才不過欲遺之艱大試厥盤錯駑馬負鹽車而登  
太行伊可慮也賴靖之士紳父老遮道留使君如申  
包胥哭於秦庭諸當事念其籲呼得允所請予愧獎  
借於上卧拔於下不素餐兮何以畀之乃作是詩

張官如置器唯其所布之一民亦難狃而況荒島黎尸位鬼  
有責曠鯨魚將噬格哉先哲訓弗以小不爲靖雖五十里土  
瘠俗久疲哀鴻正在野駭鱷未遠移十室九罄懸揮涕靡寸  
裨穀絲環相迫瘡肉痛獨貽今自莅茲土疾苦詢叟耆祇有

安靖心弊祛福可祝廉吏拙自守謫才陋更宜父老信其上  
自我歌居居先世清白譜輒畏人所知不謂芻狗質誤受丹  
鉛推題材於爨下顧鴛以鬻蹠終歲檄五至艱大相加遺短  
綆而深汲覆餗欲貽誰尺書馳長吏長跪三致辭士故各有  
志守官敢自欺況從去秋後孱軀困支離胸旣藏二豎鬚復  
織兩絲以此勵臣朔五斗甯樂飢百姓敦親長亦復戀恩私  
願言借寇君卧轍且築俸仁風旣再見古意殆未漓庶幾少  
罪戾兼以永撫綏三徙名豈成將無類奕棋當路賴知我慨  
然堅執持自今矢初志或不泣路歧

開悔

高閣在荒郊主人夕鏑鎗杖策偶問奇清風滿林薄鳥無城

郭音人解塵寰縛顧視而樂之橫琴命獨酌河朔敢自詡取  
意避煩虐不如北窗人游神友寥廓羲皇去已遐陶令不可  
作三逕日就荒秫田空負郭豈是饑來驅而爲一官瘼鑄鐵  
凡幾州到底不成錯請讀歸來辭悟者何今昨

丹陽晚泊

江魚分饌野菱香澤國秋來芒袂涼斷岸有雲依小舫孤帆  
隨雨宿前莊漁歌唱晚茶初熟雁影書空字幾行因過丹陽  
懷古調肯教皮陸霸詞場

送李端木還茗上

島外風光似夜郎清時隨牒類投荒沙痕一曲紆村郭漁市  
三家倚夕陽豈有酒樓眠太白過聞驛騎召賓王漢皋亦只

須臾事解珮偏留話柄長

河西新閫

忽思湖上宅蘇白二公堤放鶴孤山下梅花隔水西

詹兆恒一首

兆恒字月如永豐人崇禎辛未進士除甌寧知縣徵授南御史福王時擢大理寺丞進本寺少卿唐王立拜兵部侍郎攻開化兵敗死於陣乾隆中賜諡忠烈

靈壁道上

姹女如雲蠟板歌月明輕棹泝迴波只今隄上青青柳曾見當年綵纜過

吳鍾巒 一首

鍾巒字峻伯一字穉山武進人崇禎甲戌進士除長  
興知縣謫紹興照磨遷桂林推官福王時授禮部主  
事唐王立進員外遷廣東副使未赴魯王監國拜通  
政使擢禮部尙書 大兵下甯波入孔廟積薪自焚  
死乾隆中 賜諡忠烈

鮫琦亭集外編吳公弱冠讓王文成公傳習錄悅之  
顧端文公講學東林執經從焉又遊高忠憲公之門  
而所宗主者爲孫文介公之困思鈔年未三十已嶽  
嶽稱人師門下江陰李忠毅公應昇其最著也崇禎  
甲戌成進士年五十有八矣知長興縣與諸生講學  
從之者如雲奄人崔璘巡視鹽糧守令見之蒲伏公  
獨不往及以公事見長揖不屈璘怒太守亦怒中以  
蜚語削籍既罷官卽有投老之意宜興再相頗以延  
攬清流爲事遣所知道意公笑曰公爲山巨源請容  
我爲嵇叔夜公爲富彥國請容我爲邵堯夫甲申間

國難絕而復醒曰吾友馬素修必死矣已而果然公  
積士大夫多失節乃作十願齋說其一曰吾願子孫  
世爲儒不願其登科第其二曰吾願其讀聖賢書不  
願其乞靈於西竺之三車其終曰吾願其見危授命  
不願其偷生事仇舟山師濟公曰昔者吾師高忠憲  
公與吾弟子李仲達死關難吾爲詩哭之吾友馬君  
常死圍難吾爲詩哭之吾門生錢希聲從亡而死吾  
爲詩哭之吾子福之倡議而死吾爲詩哭之吾老矣  
一旦疾病死何以見先帝謝諸君於地下哉公至文  
廟右廡設高座積薪其下捧先師神位舉火自焚賦  
絕命詞曰只爲同志催程急故遣隨行火浣衣時年  
七十有五

聞李仲達訃寫哀

落落心期在悲吟寄大招迷離南北樹淒斷去來潮黨禍今  
何烈清風古不遙應知首陽側孟博已相邀

楊文瓚一首

文瓚字贊玉鄙人崇禎己卯舉人魯王監國授御史

起兵事洩死於市乾隆中 賜諡烈愍

拜正學先生祠

一死貞心天地知  
龍山崇建報忠祠  
嗚鵲十族甘爲血  
扣馬千秋更有碑  
落日平原埋舊恨  
淒風古木積新悲  
遺編未泯猶堪讀  
哭向蒼天問所私

林尊賓一首

尊賓字燕公莆田人崇禎壬午舉人唐王時授兵科

給事中 大兵下興化死之有雁園集

蘭陔詩話燕公從朱季胤起兵及興郡城破燕公具衣冠坐廳事作絕命詩別其兄師入大呼曰我給諫林尊賓也速取頭顱去遂見殺

南山行

南山起雲北山起電孤身中央不知其變

解一平村落虎四鄰

伐鼓雖則伐鼓不如伏弩

解二河水涇涇人知其深下有游魚

上有飛禽

解三風雨蛟龍以類相從鳴鳳無陽不如寒蛩

解四東

園種瓜西園種麥澆石生苔何時可摘

解五

林游一首

游字習修東莞人諸生與張家玉起兵事敗死之

寄門人張芷園囑中

聞君江上擁旌旄共羨書生膽氣豪家學舊傳黃石略漢恩  
新賜紫貂袍一身許國風霜苦半壁支天汗馬勞此日艱難  
知不惜沙場麟閣屬吾曹

明詩紀事

貴陽陳 田輯

辛籤

天精志  
下民圖  
集韻

鮎琦亭集外編跋明崇禎十七年進士錄  
 有明一代之局者誠於高皇帝三百年進士錄  
 帝十七年夢卜之誠於是乎熾是科以遊警阻關買  
 士之副計車者不能前詔書特改試期於秋仲倥偬  
 釋禍未及題名太學而國已亡通州閣學由庚辰進  
 士第二不三年遽大拜又驟越同事三相副井研閣  
 學主省試蓋遭遇之最隆者鼎湖之役井研已賜歸  
 徘徊闕下借通州蒲伏賊營以遭戮尋而相傳是科  
 館選流賊密令山西巨商主之凡求讀中祕者巨商  
 卽招致之爲納賂於宦者無不得及城陷牛金星大  
 言曰新翰林尤宜速報名諸人始悟前此來招致者  
 之爲賊也內負疚而外畏禍遂巡而出盡汙僞命第  
 一甲三人無論已三十六庶常不得免者三十四鳴  
 呼是館閣未有之恥也以是知君子之守身必無可  
 黃緣幸進之理而當時苞苴之詭如此亦不可謂非  
 亡國之君矣予嘗得流賊所授降臣官簿一冊頗與

辛籤卷八下

諸野史所紀不同金壇周鍾以勸進撰表得檢討最  
幸夷陵黃燦納貨五千得緇豐城史垂譽雷化李呈  
得檢討西鄉楊棲鷄得直指豐城史司務晉江楊明  
群並得醴儀從事嘉善魏學濂得闕門防禦遂平魏天  
煇得順天安撫晉江張元琳得闕門防禦遂平魏天  
賞得兩淮運副東莞張家王大興史可程懷甯劉餘  
模真定梁清標安福劉肇國山陰魯乘昆明龔鼎祥韓  
城李化麟晉江王九雲會稽王自超新喻萬發祥皆  
以庶常留館下此則盡改爲縣令南昌羅憲汝得遷  
安番禹劉廷琮得內江麻城傅學禹得長安杞縣何  
詹光得井陘陽城白詹謙得南鄭淄川高珩得襄陵  
敷縣張端得仁壽項城趙頰得大名武陟得華陰崇德  
曲沃清苑張元錫得武功張家玉不克鞏得華陰崇德  
吳爾熈得蒼溪就中惟張家玉不克鞏得華陰崇德  
端門者五日釋之遂投書喻賊又臨以刃不拜崇德  
必欲授以官家玉忽遜詞受之入皆疑馮不其動賊紳  
此乘間而逃也萬發祥則爲耳且毀面賊怒夾之於  
亦逃去吳爾熈詐爲將之任者得逃其後家玉殉於  
增城最烈發祥殉關爾熈殉江都蓋三十人殉於  
之孤鳳也魏學濂亦終死要不失爲晚蓋其則人皆  
已矣幸得不預者二人達州李長祥其後關則戎皆  
累起累蹶事敗行遜不知所終最稱完節而其一行亦

不終散官則全椒吳國龍得待詔宜興吳剛思得禮儀從事清苑王爾祿得戶從事無錫秦拏得禮司務井研胡顯得中書常熱歸起先得西京留守經歷安邑呂崇烈得屯田防禦安邑王道成得青州防禦宛平陽武惲得淮陰防禦安邑王道成得青州防禦宛平楊墩得揚州府尹掖縣姜金脣得西學正而如吉水國鼎得濟甯令津江程玉成得山西學正而如吉水鍾性樸之降於路者尚不在此數焉鼎程源再亂滇中嗚呼有明中秘禮絕百僚而甲科亦最重於流輩一時喪亂士失所守竟壞壤至此悲夫南中解尚書學龍再定六等逆案傳聞不甚有據如家玉發祥反誤入之而得脫者甚多後世將何所信焉子之詳錄而不恤也殆以爲百世之戒雖或觸孝子慈孫之恨而不恤也雖然莫謂是科之人止此也澤州孟章明隨其父刑部侍郎那兆祥殉京師清苑張羅俊與弟光祿卿羅彥殉保定三原石崑以倖狂死南中之亡歟縣凌錫龔河南孟津陳燦殉帝陽鄧周志畏殉江都無錫龔廷祥殉江甯江都梁于浚殉萬安崑山顧咸建殉錢唐其起兵者掖縣劉允浩殉建昌溧陽史夏隆殉吉安烏程溫璜殉甯華亭李待問殉華亭嘉定黃滔耀殉嘉定宜興盧象觀吳江吳易殉太湖而長洲劉曙亦以謀起兵死閩中之亡江都鄭爲

虹殉仙霞廣安歐養素南昌熊緯殉汀州行營晉江  
郭符甲殉晉江其守贛而死者京山楊文薦錢唐姚  
奇盾南昌龔棻而休甯吳聞禮殉永豐南昌周定祜  
殉廣信浙東之亡吳江汪景亮殉三衛海甯俞元良  
殉海甯錢唐徐復儼殉會稽監國魯王入閩莆田林  
媚海甯湯葵殉興化侯官林空殉福清而閩縣林之  
蕃亦以謀起兵死粵中則山陽朱日昇家居以通表  
事洩死孫賊之難嘉定羅國猷殉虔南晉江郭承汾  
殉貴陽而宜興吳貞毓亦以孫賊死滇中之亡廣安  
鄧思廉殉緬甸其遷入海島而死終不食周粟者慈  
溪馮元鵬同安沈佺期嘉興譚貞良也此外如雲南  
楊永言會稽余若水青浦張若羲山陰金廷韶鄒縣  
周齊曾餘姚李安世遂甯呂潛嘉善錢默順天李孔  
昭皆固守殘山剩水之節以終其身嗚呼觀於後此  
四十餘人十五宗之所飲泣也觀於後此四十餘人  
亦足以雪死者之恥矣

吳易 五首

易字日生吳江人崇禎癸未進士福王時授兵部主  
事監史可法軍募兵屯長白蕩唐王立授兵部侍郎

進尚書兼都察院右副都御史魯王監國封長興伯

師敗被執死乾隆中 賜諡節愍有東湖倡和詩

自靖錄甲申三月京師陷五月南都立君久之而不  
問爲先帝討賊易遂發憤與同邑舉人孫兆奎諸生  
沈自駟沈自炳武進吳福生徐安遠誓舉兵旬日  
問得水師千餘人屯於五湖三泖間出沒旁近諸縣  
轉戰互有勝負既而援絕孤且兵皆烏合不堪大  
戰夜潰易父承緒妻沈氏女吳氏等全家赴水死易  
僅以身免乃收集散亡與浙東爲聲援以梅敦之捷  
連晉顯要丙戌六月浙東亦潰易乘小舟遁去匿嘉  
善錢氏園中爲仇家所執解浙江不屈作詩數章意  
氣自若死於武林之草橋門年三十五無子讓僕周  
孝相佞不去同邑友人包捷瘞其遺骸  
百城煙水東湖草堂在柳胥吳日生易所居與史弱  
翁趙少文有東湖三子唱和集  
靜志居詩話散頤之間風雅浚替古風尤置不講日  
生奮跡松陵誦六公詠原本杜老入哀之作是時第  
知臥子有起衰之功然臥子豐紆日生戍削各有其  
長

辛巳秋七月觀漕船臨發紀異

往年漕船制過洪必三月今年七月秋漕船始見發撫時興  
萬慮國命心所切荒哉久紆滯觸眼重驚惕東南四百萬仰  
給須旦夕吁嗟支兌廢運道直如髮清淮隔會通黃流此中  
截洪波挾濁沙歲歲苦衝沒呂梁平徐城厥勢更險絕譬之  
駟虎豹時復被吞齧避黃全用汶羣議得長策穿泐達夏鎮  
新河乃加闢駱馬後復通兩朝見底績所未開石滌事便功  
易撥安流洵無虞失防在枯渴汶勢誰最高南旺爲之脊北  
分白衛入南引沂泗接泉湖相輔佐湖六泉三百封遏使其  
贏所以時蓄洩纔時正全盛神人兩安悅桃花汎春湖銜尾  
萬艘捷暑盡事云竣中秋動歸楫當茲風潦清迴帆想超越

胡爲阻江干牽挽方拮据吾聞秋冬交水工急挑刷湖陂久  
淤澱泉源爭盜竊敢視不盈掬經川盡焦圻河臣初經綸盡  
瘁毀心骨人功匪不臧適此天行厄岱宗意如何牲璧忍衰  
歇回空旣守凍冰泮始搢搢及乎抵水次春徂夏已迫強半  
壅不來官差捉船隻此鄉同亢旱草樹代魚麥斛米數千錢  
蒼生苦貴糴軍旗志豈饜咤叱恣狼藉仰維軍國憂孰敢愛  
膏血伏願道路平飛送到京闕羣盜滿中原青齊暗長戟孤  
懸止一道何以禦倉猝臨發意無憑鼓聲雜鋒鏑軍船旣傍  
徨民船尤慘戚傷心述祖制四倉何絡繹豈獨備非常兼規  
數年積漕事凡五變經始平江伯是法祖劉晏富強垂石畫  
臨徐宿重兵況可杜萌隙簡練得其人護漕皆勁卒輓輸疾

無時夫何患淹格近議復海運所懼非漂溺出淮鑿膠萊取  
道良徑帖襟喉委榛莽此計無乃拙自今霜月涼冉冉青楓  
赤逡巡忽後時千里增冰雪安得傾天河懽笑歌利涉川竭  
古所誠廟堂有調燮

東湖雜詩三首

大澤千年在英雄一戰場魚曾出古戟燐火聚顏塘沙走三  
江白風驅百瀆黃怒濤東到海流恨總興亡

浩蕩晴波遠森疏古岸秋沙明矜獨鶴風澹悅羣鷗此日五  
湖長浮雲萬戶侯臨淵尋片石真欲老披裘

柴門閤獨嘯史趙日經過四海煙塵半三人涕淚多富強書  
共論出處事如何爲歎龐公隱仙雲掩薜蘿

亞父冢

河決川原幾變更高邱何事獨崢嶸五陵王氣銷煙草玉斗  
千年恨未平

楊文薦一首

文薦字幼字一字又如京山人崇禎癸未進士除南  
兵部主事唐王立遷兵科給事中以右僉都御史巡  
撫南贛加兵部侍郎守贛州城陷被執絕粒死乾隆

中 賜諡忠節有茗溪集

自靖錄楊文薦以兵部武選主事入闕改兵科給事  
中丙戌五月奉使湖廣道出江西適座主萬元吉督  
師贛州留與協守題陞巡撫文薦歎曰惟非王臣忍  
使吾師獨爲君子乎吾當死此矣日夜登陣積勞成  
病十月城陷被執不屈執送南昌提督親解其縛曰  
公宜識時務毋徒自苦爲也文薦曰吾受命撫贛

亡則吾當死毋多言斷吾頭懸轅門以謝讎人絕粒  
數日嘔血數升丁亥元旦強扶下榻南向哭拜一痛  
而絕

西湖竹枝詞

殘夢驚心睡起遲春情春雨惱花枝畫樓無限傷心事都在

湖邊十二時

易本煨雲杜故事京山楊文薦西湖竹枝詞蓋南都  
已覆公由浙入閩時所作也公所著聽湘集久佚其  
僅存者京山志二詩及此耳

萬發祥一首

發祥名養正以字行新喻人崇禎癸未進士改庶吉  
士唐王立授編修兼兵科給事中大兵下贛州殉難  
死乾隆中 賜諡烈愍

自靖錄萬發祥崇禎癸未進士同凌駟陳燾吳易山  
吳忠節公麟徵之門甲申申遇國變間關南旋寓居吉  
安賦哀哀吟以見志丙戌在贛州死之

寫懷

煮字難爲歲棲山且有身燕鶯春事老豺虎世途屯中夜嚴  
天告窮年望俗滄公圭如可用先事席儒珍

溫璜 一首

璜初名以介字于石烏程人崇禎癸未進士除徽州  
推官城陷自刎死乾隆中 賜諡忠烈有寶忠先生

遺集十二卷

靜志居詩話溫公少孤母陸孺人鞠之破屋一間無  
帷帳姑沈病且餓同坐臥一板箱種火煨粥以爲食  
教其子讀書姑卒孺人哀毀如子天啟七年公請於  
有同問於朝詔旌其節孝又一十八年而公成進士

年六十矣司李徽州聞國難恒引佩刀歎曰此身常  
付汝及城破先殺其女寶德次殺其妻茅妻女皆延  
頸就死乃自刎公初名以介注名復社第一集不以  
兄在相位見擯於清流後禱夢於子忠肅祠夢忠肅  
語之云子不當名以介宜更曰璜遂更焉陸孺人著  
有家訓行于世  
結埼亭集外編公於體仁落落而閣訟事則頗不以  
復社之言爲當方南都以防亂揭逐阮大鍼公曰阮  
大鍼爲真小人錢謙益則僞君子真者易知僞者難  
測斯人得志卽小臣亦當裂麻爭之  
田按寶忠集中有見問偶錄一卷皆爲體仁昭雪之  
詞又書家少師六表序文章理學節義功業之類不  
一而足皆爲誣罔之言此可謂不知天下有公是非  
也其涉世偶錄有云天下事儘有逃遁不得便可立  
地決絕挺起脊梁掀著鬚眉濟不濟落得轟轟烈烈  
此其行能踐言守徽州而死難也一節千秋豈不諒  
哉

獨立

壇坫滿天下吹氣與雲通鳳鳥莫與匹抱潔懷孤桐人世尙

膠結獨立誰相容所不患矰繳慮其有物兼管彼爲羅託纏  
擾同其凶狗謗莫非命君子省厥躬

楊永言一首

永言初名瀾字岑立昆明人崇禎癸未進士除崑山  
知縣流寇陷雲南巷戰死乾隆中賜諡烈愍

滇南詩略楊公哭莊烈帝詩云天步艱難可奈何九重無計起沈疴幸除闢寺滔天惡忍見潢他捲地波虛席求賢賢獨尠禁人納賄賄偏多問誰專闕誰當軸致此秋風麥秀歌後四語明季之弊實亡國所由聲淚俱下

舟行

歸路迷芳草鄉思倍黯然詎期遊子權漫附使君船江繞青  
山曲心隨白日懸不堪停泊處涼月慘號鶻

梁于浹二首

于浹字飲光一字湛至江都人崇禎癸未進士福王  
時除萬安知縣城陷投水死乾隆中 賜諡節愍有

谷菴詩集

揚州府志于浹少有詩名與鄭元勳鄭爲虹等結竹  
西續社元勳影園開黃牡丹遠近後詩以番禺黎遂  
球詩第一于浹次之

小閣賞梅同許倩蘿餞送辟疆盟兄之衡永

新築茅堂貯風月雪後山花盡力發有意招君君忽來吞花  
臥雪真癡絕君來江上故多情猿癩齊葉白芷生何事江頭  
不肯住十里晴煙散香霧鉅罈邊竹樹幽砌不從君天上  
舟錦香和處輕離別玉壘高寒託蹇修此番識得漫郎意欲

遣徐媛續春思妬花風雨不可期判誰護情待君至

哭萬茂先

海內存聲氣遺骸爲爾收囊空書劍在人去詠歌留楓冷楚  
江月蘭摧隋苑秋懷君存短什迸淚溷江流

李待問一首

待問字存我松江華亭人崇禎癸未進士除中書舍

人守松江城陷死乾隆中 賜諡忠節

南吳舊話錄李舍人當松江將失守百戶某挽之日  
聞君讀爛四書今日將安之舍人笑曰臣死忠古  
常事第下城與家一訣稍盡其私百戶曰君能如此  
我先斷頭待之泉下卽拔刀自刎死舍人憑尸而哭  
倉卒抵家少妾挽衣涕泗眾爭勸之逃舍人曰若一  
旦苟活夢寐何以對此老兵引繩自經氣未絕而追  
者至遂遇害

松風餘韻舍人性嗜臨池遇筆墨無論精粗輒爲濡

樂聲價與文敏埒

廣陵同鄭超宗諸子郊外宴集

並轡出春城  
春山帶郭明  
穿林遊展亂  
隔水麗人行  
有酒聊隨俗  
無營且樂生  
眼看車馬盡  
邱壑幾關情

林岫三首

岫字小眉莆田人崇禎癸未進士除吳江知縣唐王立除禮科給事中興化破死之乾隆中賜諡節愍

有螭棋集

十五國風高言集董蒼水曰小眉筆有靈氣胸無滯

藻蘭陵詩話小眉幼有神童之譽為人磊落負奇氣從朱相國起兵及師敗被執在獄中草絕命詞三首嘔血數斗而卒其詩取法青蓮當時詩社中之巨擘也

越王臺

水國何年闕中央，  
鴛鴦臺靈苑不可見。  
遺迹白雲開，  
宮樹參天出江帆。  
逐霧來至今秋色裏，  
環珮玉聲哀。

吳素求守紹興，  
念予安先生，  
新有西河之恨詩，  
以訊之。  
君到紹興日，  
鶯花作好春。  
此時探耆舊，  
我友正風塵。  
地下憐埋玉，  
人間恨積薪。  
無由一相慰，  
淚落自露巾。

江行

小港纔通市，  
孤亭不礙山。  
杜鵑啼竹外，  
別有巴陵灣。

石崖一首

隆字長卿，  
一字映崑，  
三原人，  
崇禎癸未進士，  
聞北京破，  
不食死，  
乾隆中入祀忠義祠。

西安府志長卿少好騎射尤善古文詞癸未聯捷憤  
時政疑上書爲權貴所退賊入秦曲沃李建泰督師  
長卿慨然請纓願復三邊自黃甫川渡河聯絡榆中  
靈夏建泰不能從遂憤鬱成疾避地江南甲申五月  
聞北都陷痛哭數日不食死湖口友人劉湘容經紀  
其喪

入京時詩

從來趙括易言兵寇盜於今盡據城  
幾點烽煙鎖漢壘萬家風雨泣長平  
將軍格鬪徒持戟文士空談欲噉名  
盛邇晉陽憂不細誰能先立亞夫營

凌駟一首

駟字龍翰休甯人崇禎癸未進士除兵部主事福王  
立授浙江道御史巡按山東改河南 大兵下歸德  
自縊死

借陳涉江訪劉伯宗以詩見贈用韻奉答

觸途得坎壈境  
窺心自休長安  
寡知交鍵關絕  
繁稠北騎便  
橋南敢代墨者  
憂一聲驚碎琴  
舊友來相儻  
顏色照青松志  
合以不謀聞聲  
懷徵君天祿方  
校讐出處卜安  
危元勳登相  
求乘軒來燕都  
風雲會於留仰  
止兩君子雙鳳  
儀青邱啾啾  
聚紫庭胡爲雜  
鴝鷓溫然服德  
音襍裂增重裘

明詩紀事

貴陽陳田輯

辛錄

何騰蛟一首

騰蛟字雲從黎平五開衛人天啟辛酉舉人除榆次  
教諭遷介休知縣改汾陽南陽徵授兵部主事歷員  
外郎中出爲懷來兵備僉事改山西口北道以憂歸  
起淮徐兵備僉事擢右僉都御史巡撫湖廣福王時  
拜兵部侍郎兼撫湖南以故官總督湖廣四川雲南  
貴州廣西軍務唐王立拜東閣大學士兼兵部尙書  
封定興伯永明王立進武英殿大學士加太子太保

再加太師進爵爲侯 大清兵下湘潭被執不屈死

贈中湘王諡文烈乾隆中 賜諡忠誠

張應詔圖園集文信國公宋末竭力盡忠輔三王險阻艱難其時同其  
文烈公明末竭力盡忠輔三王險阻艱難其時同其  
勢相同其志同元執信國公於五坡嶺張宏範曰國亡  
丞相忠孝盡矣能改心以事宋者事今將不失爲宰  
相矣信國公茲然出涕曰國亡不能救爲人臣者死  
有餘罪况敢逃其死而二其心乎國朝執公於湘  
潭遺之書其略曰今天厭於明神器有主尙思收旣  
覆之水然久死之灰棄身不願而單騎被執心與文  
文山一轍而境遇之艱難倍蓰過之忠貞亮節誰不  
憐忱先生之道盡矣若肯承合天意之命來歸當不  
讓洪承疇之一席也公報書曰某少壯從王運逢屯  
蹇甲申三月自死所以苟延至今者思濁汾陽  
後塵也不意志切才疏致滋狼狽負恩辱國臣罪當  
誅尙可苟延人世乎邱墓妻子不敢願頭可斷心可  
剖先王先公寶式憑之不利動不可威劫百鍊之  
剛又自相同信國公過金陵詩曰盡瘁未能離去江  
化作嘔腸帶血歸公自悼詩曰盡瘁未能離去江  
年鵲血染宗周其慷慨悲歌也無乎不同

述懷

列祖艱難業諸臣敗亂重揭竿何太夥制梃竟誰從國是成  
剝肉軍謀競養癰劇慚心力竭無計埽羣凶

瞿式耜

一首

式耜字起田常熟人侍郎景滄孫萬曆丙辰進士除  
承豐知縣改江陵未赴擢戶科給事中坐事下獄贖  
徒福王時起應天府丞以右僉都御史巡撫廣西唐  
王立擢兵部侍郎不赴永明王立進吏部侍郎東閣  
大學士留守桂林進文淵閣大學士兼兵部尙書封  
臨桂伯 大清兵下桂林死之贈少師建極殿大學  
士吏部尙書粵國公諡文忠乾隆中 賜諡忠宣有

集

崇禎忠節錄羅公受命時門下士吳江楊藝字二癡  
 者衣衰經號哭於營中見文武將吏叩頭請收葬  
 凡二日聞者感動令備棺衾殮焉常熟馮班有過臨  
 桂伯墓下詩云馬鬣悠悠宿草新賢人聞道作明神  
 昭君怨氣萋弘血帶雨和煙又一春  
 梅村詩話稼軒為給事中好直諫為權相所訐與其  
 師錢宗伯同罷歸築室於虞山之下曰東泉極遊觀  
 之勝酷嗜石田翁畫購得數百卷為耕石軒藏之未  
 幾里中兒輩文誣染借宗伯逮就獄余時在京師所  
 謂東泉草堂歌者贈稼軒於請室也後數年余再至  
 東泉則稼軒倡義粵西其子伯升門戶是懼故山別  
 墅皆榛蕪斥賣無復向日之觀余為作後東泉草堂  
 歌蓋傷之也又二年知稼軒以相國留守桂林城陷  
 不屈與張別山俱死別山者江陵人故相國文忠公  
 曾孫諱同敞為督師司馬稼軒臨難遺表曰庚寅十  
 一月初五日聞警開國公趙印選移營先去衛國公  
 胡一清甯遠伯王永祚綬甯伯蒲纓武陵侯楊國棟  
 甯武伯馬養麟盡室而行唯督臣張從廠從江東泗  
 水過江相期同死其赴敦則閏十一月十七日也  
 曩囚一月兩人從容倡和稼軒得詩八首曰二祖江

山人盡擲四年精血我偏傷又日願作須臾階下鬼  
何妨慷慨殿中狂別山和章云梭梭瘦骨不成眠  
德君恩四十年腰膝尚存堪作鬼死生有數肯呼天  
又云白刃臨頭惟一笑青天在上任人狂又云亡家  
骨肉添新鬼多難師生共哭聲又云此地骨原堪朽  
腐他時魂不待招尋二公死有舊給事中後出家賊  
性因者收其骨義士楊碩輔藏其稿稼軒孫昌文間  
關以歸以其詩與表刻之吳中爲浩氣吟云別山死  
事最烈其未死也受拷掠兩臂俱折目睛出語不爲  
撓稼軒有初六日記事詩云文山當日猶長揖堪笑  
狂生禮太疏別山和云臂先頭斷生堪殿身爲城亡  
計豈疏銜木焉知舌在否傷睛自笑眼多餘此其被  
刑事也稼軒以義命自處從容整暇詩云死豈求名  
地吾當立命觀又自艾曰七尺不隨城共殉羞顏何  
以見中湘蓋捐何公騰蛟以殉難封中湘王也若兩  
公者真可謂殺身成仁者矣

### 獄中

年逾六十復奚求多難頻經渾不愁劫運千年彈指到綱常  
萬古一身留欲堅道力憑魔力何事俘囚學楚囚了卻人間

生死業黃冠莫擬故鄉遊

張同做一首

同做字別山江陵人大學士居正曾孫崇禎中以蔭授中書舍人唐王時改指揮僉事永明王立拜侍讀學士改尙寶卿擢兵部侍郎總督諸路軍務 大兵下桂林被執不屈死乾隆中 賜諡忠烈有純忠堂

集

殷頑錄張同做江陵相居正曾孫蔭中書舍人令往雲南調兵兵至江西而國變永明王時累擢兵部侍郎總督衛永兵庚寅冬 大兵圍桂林同做自靈川赴桂謁留守瞿式耜曰事迫矣將奈何式耜曰封疆之臣當死封疆同做曰君恩師敵當共之做式耜門人也明日同就執十一月同戮於城北風洞山下

自訣

一月悲歌待此時成仁取義有天知衣冠不改生前制名姓  
空留死後詩破碎山河休葬骨顛連君父未舒眉魂兮莫指  
歸鄉路直往諸陵拜舊碑

郭之奇

四首

之奇字仲常揭陽人崇禎戊辰進士選庶吉士改禮  
部主事歷郎中出爲福建參議桂王時授文淵閣大  
學士吏兵二部尙書被執至廣西省城不屈死乾隆  
中 賜諡忠節有宛在堂集三十四卷

舟暮對秋山有感

清溪含素秋蕩漾令人愁如何碧山色蕭條對此流霜葉飛  
斜照疏煙縈晚洲日暮不自聊螿蛄鳴啾啾

舟夜彈琴

舟宿寄幽林難了清夜心冥神外喧寂發我靜中音遂然林  
月開滅燭光已臨曲罷歸煙水浦激各淒深

春閨

池前君栽柳君去碧絲長不解留君住偏能斷妾腸

捨陸就汀州喜見家鄉在即

青山頻過不知名但憶鄉關此送迎昨夜歸魂先識路秋風  
吹向綠榕城

范文光一首

文光字仲闇內江人天啟舉人歷官工部主事  
南戶部員外告歸張獻忠寇蜀舉義兵奉鎮國將軍

朱平柵爲蜀王除副使監軍永明王立拜右僉都御

史巡撫川南 大清兵克嘉定仰藥死乾隆中 賜

諡忠節有石鼓山房詩集我眉集

我眉山萬年寺送費此度往榮經省親

敝衣猶賸老萊斑負米雖歸不是還世到亂時都作客途當  
險處更閒關幾年草檄伸孤憤累月移家近百巒瓦屋我眉  
俱歷遍滿頭風雪當遊山

揭重熙 一首

重熙字祝萬臨川人崇禎丁丑以五經成進士除福

甯知州福王時擢吏部主事唐王立遷員外兼兵科  
給事中擢右僉都御史桂王立拜兵部尙書兼右副

都御史總督江西戰敗被執不屈死乾隆中賜諡

忠烈有蒿菴集

勝朝殉節諸臣錄重熙事唐桂二王屢率兵攻撫州  
邵武不克爲大兵襲執送建甯不屈受戮  
靜志居詩話洪武庚午應天鄉試長泰黃文史以作  
全場五經題領解道天啟甲子龍溪顏公茂猷亦作  
五經題騰錄官惜其才而嫌其違制止贈四子書義  
三篇易義四篇以入同考官和公彪佳取之既放榜  
始知爲五經也崇禎甲戌會試以知貢舉林公欽言  
士子有作五經全題者得俱勝進允之於是顏公中  
式禮部刊會試錄特旨命題顏公姓名於第一  
青之前蓋異典也至十年丁丑則臨川揭公重熙十  
六年癸未則嘉興譚公貞良慈谿馮公元颺武鄉趙  
公天麒皆以五經舉鄉會試又萊陽宋公昉十二年  
己卯亦以五經中山東鄉試此科場盛事也

仙人石

仙人何處去空有仙人跡時一聞笙簫玄雲來絕壁

李含乙 一首

含乙字東生渠人崇禎甲戌進士除高郵知州遷禮部主事告歸張獻忠寇蜀死之乾隆中 賜諡忠烈

有秦郵草

劍閣芳華集東生乞假歸里值張獻忠據蜀僞令某素之急赴水拯起不厠細於獄邑人攻殺僞令東生後與賊戰死

晚發海陵至江都

日落孤舟發漁歌極浦聞江光涼泛月山色晚含雲喚渡歸人急揚帆估客勤繁華今古夢惆悵杜司勳

梁若衡 一首

若衡字簡臣廣州順德人崇禎庚午舉人壬午特用

進士除永福知縣遷左州知州不赴 大清兵下廣  
州與陳子壯謀舉兵事洩被執死乾隆中 賜諡節  
愍

旅次

經秋書劍半江湖楚水吳山問去途十載煙霜餘夢寐朔風  
吹雁斷菰蘆

鄜鴻一首

鴻字劇孟南海人中書舍人篋子贈錦衣千戶

廣東詩粹劇孟少負才不羈能詩善擊劍丙戌之變  
率北山義旅千餘戰於廣州東郊死之贈錦衣千戶

關山月

關山一片月秋色夜初闌影入湖天冷光流隴水寒暫同兵

氣白翻與角聲殘辛苦樓闌戍多因掩淚看

朱寶蓮一首

寶蓮字子潔南海人天啟辛酉舉人官刑部主事

大清兵入粵攝高明縣事城陷死之乾隆中賜諡

烈愍有積雪軒集

樵陽雜詠

行行谿路采芳荃古木千章落照邊雲裏軋軋聲不斷幾家  
齊汲九龍泉

邱懋樸一首

懋樸字若木新添衛人庶子未寶子崇禎癸酉舉人  
除徐聞知縣累遷潮廣僉事大清兵入楚城陷死

之康熙中贈太僕卿乾隆中賜諡節愍

田按節愍弟懋素崇禎庚午舉人歷官南陽知府崇禎八年李自成再陷南陽懋素罵賊不屈闔門被害屍陳野外烏鵲環繞數日不散土人異之累塚立石以表其烈弟兄先後死國世以此顏氏果卿真卿無多讓焉

送寶華上人遊雞足山

莫更參禪莫掩關  
饑時喫飯倦時還  
名山不在雲深處  
祇在吾師錫杖間

鄔昌期一首

昌期字■都勻人以貢選廣西知縣桂王立遷柳

州同知擢湖廣道御史以言事廷杖除名尋復官改

河南道掌六科從王入緬遇害乾隆中賜諡節愍

田按節懸隨桂王入緬君臣草次結茅以居緬酋進米給從官常不得飽鶴面藍縷無人色暨緬酋逼王官呪水駟死者四十二人節懸其一也哀哉

讀郭青螺黔書烈女傳六首

錄一

有夫十四歸囹圄早判單棲了此身不是郎中繻澗甫妾身  
那得暫分明

黔詩紀略五開衛舍人王言妻袁氏百戶傑女幼許字言嘉靖五年言年才十四父指揮以侵餉逃亡逮言監追久之產盡遺書袁父母令改適氏誓死不從四十一一年恤部鄧郎中兩憫之暫縱言歸完娶甫二月言復就獄隆慶三年度死袁守節如初御史雷稽古上其事有旨免贖旌表復其家

馬士升一首

士升字 貴州衛人諸生流賊入黔被執罵賊死

乾隆中入祀忠義祠

黔詩紀略士升父交卿字瑞符萬歷進士選庶吉士  
擢御史巡按廣東以薦直忤當道左官遂不赴銓家  
居杜門數十年乃卒士升承乃父之恬退清風勁節  
光耀里閭而其從昆弟士英乃干進誤國黃口亦羞  
道之苦况一家之中而薰蕕不同器乃如此惠黜耕  
難真不可解也

### 時事

時事已如此杞憂將奈何可憐蒿作柱豈止鏡爲荷屏跡青山淺逢人白眼多此身無著處行坐一悲歌

### 蔣勸善一首

勸善字夢范一字小范威清衛人萬歷乙卯舉人除  
孟津知縣遷河間同知請告家居孫可望寇黔被執  
死之乾隆中 賜諡節愍有秦遊草峩石齋集

黔詩紀略節愍弱冠舉萬歷四十三年鄉試主司竟  
陵鍾惺尤賞異於諸生選孟津知縣清苦自持請錫

民間通賦萬餘金縣人得蘇息遷河間同知不善逢  
迎與當道左拂衣歸臥林下者二十餘年丁亥流寇  
入黔被執不屈死節愍歸田時年才逾壯力以提唱  
風雅自肩吳滋大求蔣夢范先生遺稿詩云囊空惟  
有句筆妙總無塵大力全歸漢奇文半燼秦一篇存  
氣韻萬古鑿艱辛其詩格之高可見又云我嘗登大  
推誼復忝周親書籍曾云付精光豈盡泯是滋大又  
咸誼從之遊潘士雅集中有春興及長安秋吟各三  
十首俱云和夢范先生韻是士雅當亦其弟子滋大  
詩又云遺草非封禪佳兒可負薪則其子亦能承家  
學今秦遊草峩石齋集俱不可見子亦不知誰某當  
更訪之

鋤園

獨向荒園把一鋤菜根爛煮月明初正須盡摘芭蕉葉好做

顏家乞米書

譚先哲一首

先哲字光美平嫻衛人萬歷壬子舉人累官戶部郎

中請告家居孫可望寇黔被執死之乾隆中賜諡

烈愍

黔詩紀略甲申明亡福唐桂三藩相繼稱號貴州尙  
未入大清版圖流賊張獻忠屠蜀人幾盡漸及其  
兵將適獻忠中流矢死其將孫可望率其衆破遵義  
入據貴陽滅清平壩龍里新添之間殺戮無算攻定  
番州陷之大清兵西征至遵義可望屠貴陽西遁  
入滇伏屍千里雞犬無聲光美聞賊逼境率衆走保  
衛東長沖圍賊大至度眾寡不敵率家人南向拜承  
歷君囑指血書寄弟先召國破光美及妻劉被執罵  
賊不屈遇害舉家同殉焉惟子瑄在美及召所得不死  
光美屍與劉屍相枕藉月餘顏色不變其弟先召合  
葬之衛西蝦蟆關側人呼爲雙節墓長沖有石杯今  
猶傳爲光美夫婦臨死時拜關石也

長沖國寄弟辭

明社已矣何有於黔荒國存我存國亡我亡惟瑄與弟生死  
不見惟弟撫瑄以存一縷鬻指灑血血與淚漣弟乎瑄乎他

日收吾骨於長沖之原

尹思民 一首

思民字 定番州人崇禎時以貢生官上杭知縣  
致仕家居孫可望寇陷定番死之乾隆中入祀忠

義祠

城破題壁詩

省會無人守丸城那復論文章難報國軒冕太辜恩妖火連  
山赤腥風揜日昏死如能殺賊糾此萬忠魂

唐誼 一首

誼字正之武陵人考授推官甲申後起義兵保辰龍

關

登善卷壇

路自攢峯入盤旋  
邃谷中山深遲見日  
樹老易驚風梵刹依巖出  
龍泉與海通塵蹤從此隔  
未許往來同

謝如珂一首

如珂字鳴玉耒陽人張獻忠陷衡州拒戰死

夢題杜陵集

搖落荒林樹色秋  
瀟湘江上思悠悠  
知公時有憑軒淚  
淒斷天涯故國愁

明詩紀事

貴陽陳田輯

辛酉

王錫衮 一首

錫衮字龍藻祿豐人天啟壬戌進士選庶吉士授檢討歷侍講南國子司業諭德庶子祭酒少詹事拜禮部侍郎進吏部尚書以憂歸唐王立起禮部尚書兼東閣大學士桂王立申前命皆不赴土酋沙定洲作亂執至會城詭草錫衮疏上桂王請以定洲代黔國公鎮雲南疏既行始知錫衮大恨愬上帝祈死數日

卒

聖駕臨雍恭紀二首

乍挹方諸水來湘伴沼芹金樞淡華月玉露展蕭辰俎豆三  
千士都俞十九人公庭看萬舞未許羽衣陳

樸學泉謨古昌言聖主聆硬黃摹獵碣淡墨捧名經胄子濟

歡洽真儒足典型自今隆祀典長照簡編青

詠志居詩話崇禎十四年八月大學當釋奠思陵有  
詔再臨辟雍於是罷遣閣臣及分獻官時龍虎山真  
人張應京適在都疏請入監觀禮尙書蔣公德瓌暨  
王公咸持不可駁回十七日王公奉遣祭夕月壇二  
鼓始詣園子監十八日卯初刻駕自長安左門出由  
崇文街至成賢街入廟門兩公導帝升階坐御幄內  
官持金餅金甌金爐者六人天漸明行釋奠禮畢幸  
彝倫堂祭酒南居仁講學陶謨自天敘有典至敬哉  
有土司業羅大任講易威卦尋命賜茶班自衍聖  
公及閣部共一十九人武班三十八人分東西坐帝  
命禮臣將進士題名碑并石鼓悉摹拓進呈又諭閣  
臣周程張邵朱六子不當樂置先儒之列乃定議改

稱先賢云是舉也蔣公紀之特詳今節錄以證王公之作

徐孚遠 二首

孚遠字闇公松江華亭人崇禎壬午順天舉人唐王立授福州推官進兵科給事中魯王監國授左僉都御史桂王至滇遙授左副都御史卒於臺灣有幾社

六子詩集交行詩集

陳忠裕集周徐輩六子皆與余同學詩者也其才情雄駿用功深微十倍於余然覽其詩可以涉獨立而

靜志居詩話先生達齋侍郎之裔太師文貞公族孫與臥子彝仲勒前輩六人倡幾社於雲間切劘今古

類有身世之感  
鮑琦亭集外編公從亡入閩時島上諸軍盡隸延平  
王鄭成功延平之少也以肄業入南監嘗欲學詩於  
公及聞公至親迎之閩中自無餘閑園以來臺灣不

入版圖及鄭氏版疆老成耆德之士皆以避地往歸  
之而公以江左社盟祭酒爲之領袖臺人爭從之遊  
公自歎曰司馬相如入夜郎教盛覽此平世事也而  
吾以亡國之大夫當之傷何如矣至今臺人語及公  
輒加額曰偉人也嗚呼明季海外諸公流離窮鳥不  
食周粟以死蓋又古來列難之一變局也幾社殉難  
者四夏陳何三公死於二十年之前公死於二十年  
之後九原相見不害其爲白首同歸也  
松風餘韻先生與陳夏諸君爲幾社盟主乃王中女  
選幾社六子詩外罕有存者豈身蹈東海盡問諸水  
濱乎佳句如君子行秋颯多辭葉激波無安鱗悲哉  
行壯心不在骨安用千金裝古詩詠懷淨雲不盈掌  
白日爲之陰江南曲皓腕約錦帆笑狎輕煙裏咏史  
黃金生羽翼痲病安足論田家詩涼風帶曙星夕陽  
接煙火秋行雜詠路入蒹葭細江從草樹低雪後渡  
浦雨餘潮氣白燒盡草根青何可多得

### 梅南草廬

日暮南園色孤亭萬木中  
落花時渡水怪鳥急呼風  
人靜蜂聲出巖深草氣通  
惟餘高閣恨猶是掩殘紅

舟行諸大澤書所見

蓼花初起白蘋齊行到荒村古墓西樹裏雲深疑渡鶴湖中  
日午不聞雞蒼蒼野廟飄殘瓦白白圩田覆淺泥過客莫愁  
頻失路近前猶颺酒旗低

路振飛一首

振飛字見白曲周人天啟乙丑進士除涇陽知縣徵  
授御史以事謫河南按察使司檢校入爲上林丞屢  
遷光祿少卿擢右僉都御史總督漕運巡撫淮陽加  
右副都御史唐王立拜左都御史加太子太保遷吏  
部尙書兼文淵閣大學士汀州破走居海島赴桂王  
召卒於途贈太傅諡文貞

重陽後一日步韻

勝日登臨望楚南一天風雨隱浮嵐酒逢佳客頗移坐憂到  
關心屢罷談客散鶴雛呼引徑醉餘叢菊倚清酣光陰易逝  
行難滯待到明朝日又三

堵肩錫 一首

肩錫字仲緘無錫人崇禎丁丑進士除南戶部主事  
長沙知府福王時遷湖廣參政唐王立拜右副都御  
史巡撫湖北進兵部侍郎總制諸軍桂王立進本部  
尙書兼東閣大學士封光化伯卒於潯州贈潯國公

諡文忠

田按牧遊身丁明季支持殘局所部軍士皆叛將降  
卒驕橫不受約束峴嶺盡瘁以死雖規爲未盡合宜

然其志亦苦矣

宿孤川僑居有感

湖山不改舊風流  
萬頃波光照荻洲  
聽我好吟當日句  
懷人芳草積天愁  
半生蕉葉難爲夢  
一樹梧桐忽到秋  
大笑開言原不易  
傾尊莫負故人留

章曠三首

曠字于野松江華亭人崇禎丁丑進士授沔陽州知州擢湖廣僉事遷副使福王時進五省監軍唐王立擢太僕卿遷右僉都御史提督軍務桂王時進兵部侍郎再進尙書加太子少保武英殿大學士卒於永州諡文毅贈華亭伯有詩集一卷



輯楚北京山揚文薦曲周路振飛皆一時名臣與章  
為難幾誤大局君子與君子相配真不可解惟何公  
雲從深相委任暨公病卒而一敗不復振矣

### 別張子建

秋氣日以悲大路日以昏行行昧所止居者出無門去年子  
先去今年子獨存高車荒惻惻子甯無所言攬袂不能盡夢  
與淚俱吞人生努力別數載安足論

### 雜興

道路自遼闊山川繚結之僕人金鑰佩邸市紫霞卮水氣連  
荷味蟬聲切樹枝小憩魂魄悅杳杳更何期

### 九日病中

物慘雲愁又節辰兀然天地大江濱愛親燈火尋鄉夢強插

采萸感客身風雨不多登覽廢愁思無厭酒杯頻年年此會  
皆山水臥病蕭齋羨健人

李長祥一首

長祥字研齋蓬州人崇禎癸未進士選庶吉士福王  
時改監察御史魯王監國以右僉都御史督師加兵  
部侍郎有天問閣集四卷

結埼亭集外編研齋喜言兵獻賊從橫蜀中研齋鄉  
鄉勇躬擐甲胄以助城守自癸酉至壬午賊中皆知  
有研齋名癸未選庶常時沈自彭任吏部方蒙上眷  
薦之謂當援劉之綸之例破格不次用之使備督師  
之選或問之曰天子若果用公督師計將安出研齋  
歎曰不見孫白谷往事乎今惟有請便宜行事屏邸  
鈔不寓目卽有金牌亦不受進待平賊後囚首闕  
下以受斧鉞耳問者吐舌而同里井研爲首輔欲引  
之爲私人研齋不可故不得召見賊且日備研齋上  
疏請急調甯遠鎮臣吳三桂以兵拒戰都城下有新

進士袁噩者具將才可令輔之而令密雲鎮臣唐遜  
與臣從太行入太原歷甯武雁門攻其後首尾夾擊  
賊可擒也思宗下其議未定密雲帥已至詭請守居  
庸關則放賊至抵昌平侍郎上疏請急令大臣輔南  
子出鎮津門以提調勤王兵皆不果行而京師潰南  
奔改御史而南中又潰起兵浙東監國又加僉都御  
史督師西行而七條沙之師大潰齋以餘眾結寨  
上虞之東山與張翰林煌言王職方翊且屯且耕監  
軍華夏者鄞人為聯絡布置請引翁洲之兵連大蘭  
諸寨以定鄭慈五縣僉議奉攻東山中軍注彙者已  
邾之謝三賓告之期縛乃匿入獻有與注共事者曰  
受何殺忠臣輸款研齋乃朝先舟入紹興城又遁  
奈甯之奉化依平西伯王朝先朝亦蜀人復合眾  
於夏蓋山入朝監國請合朝先朝之眾聯絡沿海為  
翁洲衛張名振不喜襲殺朝先朝之眾聯絡沿海為  
潰亡命江淮間總督陳公錦得之京口都統金彌洲又  
道沈潤力主殺之陳獨不可釋之乃居山陰湖谷中  
尋遊錢塘大吏終日以爲不可測安置江甯總督馬公  
陽祖之而終疑之日是子然者誰保之研齋微聞之  
時江甯有閩秀日鍾山秀才者善墨竹容色絕世乃  
娶之總督私謂人日李公有所戀矣未幾乘守者之

念竟去由吳門渡秦郵走河北遍歷宣府大同復南  
下百粵與屈大均處者久之天下大定始居毘陵築  
讀易臺以老焉

秋懷

江上烽煙正暮秋石城涼雨入高樓金山雲暗天方醉滄海  
星飛水自流白下露催園菊老紅橋風送井梧愁老夫起舞  
恆通夕不待荒雞已白頭

戴重

十首

重字敬夫和州人貢生召試第一除湖州推官大  
兵下湖州起兵復城戰敗中箭洞腹走鸞阿山中創  
發死有陟岵吹篪鍾山橫望姑谿陶窳石白苕雪間  
北山師陶等集

蓮鬢閣集敬夫詩磊落孤憤凡所為流離顛沛困難  
家愁與夫鬼號燹燹天荒地沸之景森森烟烟在人

目中

劉城碑桐集敬夫有古學敦行誼不苟同俗余與交  
十餘年道義相劇如一日乙酉四月擊余同避兵轉  
徙至湖州余歸而敬夫有所事遂中箭洞腹乃薙髮  
為僧卒以創死

張自烈芭山集敬夫詩感時諷俗為多以視西臺慟  
哭與世同揆

湖錄重有北山集中有憶在吳興七律悲歌感慨情

見乎詞

感舊集補傳敬夫甲申後遷迹河邨嘗絕粒不死臨

終作絕命詞秦淵泉大士記其二云平生不願垂床

死今日甯知死臥床忒是便宜鬼女子不將馬革走

沙場古人詩癖兼吟興只須梅花又菊花兒孫能種

盈谿登春雪秋霜纔是家

自靖錄戴重同諸生韓縉祖王光祉布衣金有鎰等

起兵太湖復湖州府城及兵敗箭洞腰脇賦絕命詞

云河村柳樹碧如煙父老留根三百年也移幾板盤

泉石侯到春深巢杜鵑前年三月十九日與客登山

披髮號選得山空人絕處好挑山茶耐溪瓢難言五

月傷心事九鼎云亡又未知莫翦孝陵上柏童童

百載卷七下

七

萬壑倚天枝  
田按敬夫詩心苦語硬師陶一集稍覺和平而艱苦之音彌復滿紙是以柴桑心事爲西山痛哭者

學歸田園居

以下四首和陶

余從先父自河邨入城二十餘年矣舊歲狼狽奉母復歸焉輒行役去不獲晨昏者又將一年今乃退息省罪於此時從諸父兄視田園永言以歎

父兄授經史遂不事南陌復然歸故田徒倚意不適春秋疾以周朝不謀終夕寒風淒人心修身貴無隙拙耕未免餒俗學人所役伊召亦固窮乃有殷周績苟不自黽勉三歎復何益

學和劉柴桑

石頭城春上

西山石頭城獨行且躊躇未慣操南音不敢從羣居高巖從  
橫出細竹迷卑廬大江城下流東山城中墟春郊懷老農終  
身事菑畚何爲狹邪子醉飽還言劬苦樂雖致殊已復化爲  
無一身有齒髮與我迭親疏黃鳥東南飛長松立斯須蚤齒  
遊京城壯歲良不如

學責子

四方遂多事虛名以亡實干戈不祥器將復易刀筆總角憐  
汝小起慮無嘉匹貧賤不能守富貴豈有術汝父壯已老十  
策失其七况才不父若履冰慎粟粟昨遊在鄉里所遇多異  
物

學詠貧士

天地高以博馮生羣依依風雨爲寒暄日星爲陰暉秋草各垂實春禽相奮飛斯人邈無求朝出暮言歸衣食恆不足未嘗知寒飢時俗事富貴冲冲心孔悲

始至姑谿假憩逆旅作苦寒

老骨山澤癯入市畏且慙腰彊不能屈舌鳴不能噤乃與屠酤兒义手相二三邱木在江北藏書棄山南羣盜破我家食苦以爲甘鬢髮盈尺髮冬落不可簪室亡提襁妻牀留覓粟男秋風一頃豆聚斂餘幾甌低頭傍人戶槐車聽哺哺蝸牛背負廬書壁自爲耽玄蠟銜厥卵封沙不云貪所求僅容膝旬日無所堪暮寒朔雲急白霰長鬢鬢裹飯無我吁解衣臥

一舛小兒未解事，搗蠱時親譚痴女。那敢嗔儻曲如冷蠶，北風自惻惻。長夜自潭潭，幽夢千里飛騏驎。安足驂從橫，意未已。鷗起城鐘館，賴有匣中劍，拔舞敲其鐔。左迴大江流，右拂青山嵐。自非履難危，世事且弗諳。

釣魚臺

青山殘白骨，西日到東谿。石白魚來少，天門雁去低。梅花開始折，藜飯裹誰攜。共說東風好，窮年客未栖。

不雨

獨夜瞻雲漢，寒裳涕泣然。山東且羣盜，江北況無年。母老危巢破，交貧舊榻穿。可憐今日事，但覺古人賢。

送劉伯宗應徵

矯首窺塵海，抽思在遠天。書生多好武，廟算亦求賢。願牧年  
猶壯，伊姜事偶然。含窗秋浦月，未許抱經眠。

南京客舍

十載蕭條折角巾，只隨短髮走風塵。壯遊客散詩名廢，儉歲  
兒飢斗酒貧。銅井江邊鴉聚雪，瓦棺閣外柳迎春。閒愁已足  
消長夜，況說黃河虜騎頻。

歸石臼

雞籠山北孤雲客，石臼湖東近水家。到處結巢同燕子，逐年  
種樹是桃花。

錢邦芑 三首

邦芑字開少丹，徒人崇禎諸生。唐王稱號除御史，桂

王時遷副都御史巡撫貴州孫可望入貴陽棄官削

髮爲僧號大錯

尊鄉贊筆倚秦王孫可望雖陽奉永歷詠殺任意一

時廷臣皆收爲腹心有禮部主事方于宣者推編修

詔事尤甚爲可望撰國史一書稱張獻忠爲太祖作

太祖本紀比崇禎帝爲桀紂又爲制天子鹵簿定朝

儀言帝星明於井度上書勸進後可望爲李定國所

敗投歸本朝于宣自知禍及時有錢中丞邦芭者

守死抗節爲人心中所歸方馳書於錢云欲糾集義旅

截擒可望以報國邦芭得書大笑答以一絕云修史

當年筆削餘帝星井度竟成虛秦宮火後收圖藉猶

見君家勸進書未幾縛至滇竟得逃死

黔詩紀畧桂自粵移安龍開少爲黔撫孫可望入黔

翰歷都憲桂自粵移安龍開少爲黔撫孫可望入黔

自置官屬遂居餘慶縣之蒲村避焉開少又闢柳

湖於村之他山下自號他山湖大可百畝中有七十

二泉旁大柳數百章結廬臨之命曰小錢塘命湖隄

日桃源橋曰宛轉舟日恰受四方隱流聞風塵至采

幽嶺勝終日嘯歌或聚邑人士講學播北水西有千

里負笈者孫可望索之急遂視髮號大錯和尚稱柳

湖舊居爲大錯菴蒲村舊居爲小年菴小年共視髮處曾居數身衛湖水寺更名知非菴故又號知非居士永明亡又居滇之雞足山久之走衡嶽終老

### 還山

忽然出城郭遂見無數山  
散步隨雲適輕身趁鳥還遙知隱淪者待我泉石間  
乘月浩歌去柴門應未關

### 野寺

野寺雖荒僻祇園在此間  
栖禪雙樹老洗盃一身閒  
佛古燈常寂鐘殘鶴未還  
經過塵慮淨何必掩松關

### 晚步盃孟菴

泉聲何處急落葉滿溪梁  
燈影明虛殿松陰冷石床  
茶煙山翠合花雨屐痕香  
回首歸鴉亂千峯遞夕陽